

PUIPUI O TEKE ATU TE MISELA



Au tamaliki mai lalo o te 5 tausaga ko oti ne puipui o te keke atu te misela?

- Te misela e mafai o fakamataku, maise loa mo tamaliki mai lalo o te 5 tausaga.
- E solo vave kae i nisi taimi e mafai o fakalasi ki se niu monia pela foki mo te pokotia o te faiai.
- E toko 1 mai te 10 o tino e pokotia ne te misela e manakogina ke ave ki te fakaimasaki.
- I loto i se fuainumela e foliki, te misela e mafai o iku ki te mate.
- A tau tamaliki e manakogina ne ia e lua a sukiga o te suki puipui o te misela ke katoatoa tena puipuiga.
- Te suki muamua e fai i te 12 masina a ko te lua o suki e fai i te 15 masina te matua.
- Kafai a tau tama ko siliga mo te 15 masina te matua kae e seki suki i se suki puipui o te misela, faipati ki tau tokita io me ko te neesi.

Se a te misela?

- Te misela se pokotiaga o te manu masaki tela e faigofie malosi tena pisi.
- E pisi e auala i te tale mo mafatuaga.
- Fakaasiga e masani o kamata ki te vela o te foitino, tale, sali a isu, kae e kula kae vaivai a mata, ko fanaka iei ki se fakakulaaga e kamata i luga i mata kae fanaifo ki lalo i te foitino.

E pefea te malosi o te suki puipui o te misela?

- Te suki puipui o te misela, e fakaigoa foki me ko te MMR suki puipui, e puipui ne ia tamaliki o te keke atu ki pokotiaga pisi e tolu – misela, ua fula mo te rubella.
- Te suki puipui e lasi tena aoga. Mai tua o te suki muamua, e nofo ki te 95 pasene o tino ko puipuigina mai te misela kae mai tua o te suki i te lua ko silia atu mo te 99 pasene o tino ko puipuigina.

E sala ne au pefea ke iloa me i taku tama ko oti ne fai tena suki puipui i te misela?

- Aasi ke iloa me ko katoa a suki puipui a tau tama i te onoono o koe ki te tusi te New Zealand Well Child Tamariki Ora (Plunket). Io me aasi ki tau tokita.

**Te Kāwanatanga
o Aotearoa**

New Zealand Government

HP8227 | Measles under 5 – A5 Flyer | September 2022 | Tuvaluan

Te Whatu Ora
Health New Zealand

E isi ne pokotiaga aka mai te fai o te suki puipui o te misela?

- E isi se fuainumela foliki o tamaliki e mafai o maua ne latou se ulu mae, vela, taitai lua (fulufulu masaki) kae e se malosi kae e fitaa foki.
- Nisi tamaliki e mafai o fakasae se kulaga ia latou.
- Te lasiga o nisi pokotiaga e mafai o nofo ki te leva e tasi io me lua a aso.

E mafai se tamaliki ko silia atu mo te 5 tausaga o fai sena suki puipui i te misela manafai e seki suki aka loa?

- A tino ko silia atu mo te 5 tausaga te matua, maise loa a talavou kola ne aumai ki Niu Sila a ko tai matua, e mafai o seki fai olotou suki puipui i te misela.
- E taaua ke fai tau suki puipui i te misela kae e se afaina iei tou matua, ona la e lasi tena pisi kae e solo vave foki.
- Kafai e se iloa tonu ne koe me kai fai tau suki puipui i te misela, fesili ki tau tokita.

Te faiga o te suki puipui a tau tamaliki i te misela e faigofie kae e SE TOGI

- A tau tamaliki e mafai o maua tena suki puipui i te misela e SE TOGI i tau tokita.
- E uke a koga fakatau vailakau talavai e isi ne avanoaga foki iei o fai a suki puipui o te misela.



Faipati ki tau tokita, Well Child Tamariki Ora Neesi io me fano ki tau koga fakatau vailakau talavai i tou fakai ke maua ne fakamatalaga faopoopo.

Ke maua ne fakamatalaga faopoopo fano ki te

www.health.govt.nz/children-measles

or call Healthline on **0800 611 116**